

江陰縣志卷之二十八

藝文四

詩

送張山人應鼎還江陰

國朝 顧炎武

舊京秋色轉霏微，目送毘陵一雁飛。  
笑我畏人能久客，嗟君懷土便思歸。  
風高海氣龍王廟，水落江聲燕子磯。  
卉布家鄉多已作，此行須換芟荷衣。

贈紹公

卽傾貲募金贖子心歸之紹元僧也

黃 晞

紹公匡廬三十年，天風吹來揚子灘。  
牆壁瓦礫君家禪，案頭楞嚴已不觀。  
蓮花冰雪俱未似，慙山古曲泠泠彈。  
嗟予

江陰縣志

卷五

藝文 詩

一

久欲辭塵緣，孤雲野鶴爲交歡。  
有時相對冷竹坐，一杯濃茗三更寒。  
與君赤腳踏松影，風輕子落摧琅玕。  
悲歌痛飲君不嫌，喉間吐出槎枒肝。  
飢鴉攫取覆巢子，束手就縛空哀歎。  
鯨魚跋浪黃河翻，燕山迢遞何巒岈。  
君時慷慨向我言，十步九折非艱難。  
一瓢一衲如一葉，伴爾水宿偕風餐。  
執手盟言在吾耳，籠中衰鳥毛衣殘。  
清和回首曾幾時，江南水落楓林丹。  
昨宵星走丹陽道，幽局笑語聊相寬。  
二三同志侔儻人，魯連誓欲開邯鄲。  
崎嶇歷盡生厭棄，我心古井無波瀾。  
雲堂容我飽香飯，閉門細嚼冬菹醃。  
北風怒號不到耳，戶外朔雲空漫漫。  
與君擁絮且高臥，靜聽華鯨吼。



夜闌

登君山

王士禎

楚相何年邑淒涼此獨經棘門存宿草浮遠祇空亭半壁  
收吳楚荒江入杳冥卻思洞庭上七十二峯青

青陽橋

門對青陽橋家近芙蓉湖與郎不相見爲郎歌拔蒲  
黛色連天際蒼蒼秦望山東巡殊不返畱恨此山閒  
白舫煙中樹青山水上樓澄江風物好殘臘只如秋  
修竹被晴川淪漪映空曲日夕雪初消人家在寒綠

登君山

陳維崧

江陰縣志

卷三

藝文

詩

二

清秋萬壑路漫漫極目層霄望裏寒拍岸波濤終浩淼登  
樓吳楚在闌干多情墓草荒今古無意江風冷珮環更憶  
昔年曾戰伐孤城明月與君看

澄江舟次

王揆

灣頭淺淺露平沙一曲清溪雜野花溪外青山山下樹樹  
中茅屋是人家

贈李膚公

吳偉業

先德傳家歷苦辛汗青零落賸閒身雲山笑傲容遺叟松  
菊招尋見故人猶有田園供伏臘豈無書卷慰沈淪只看  
五月開尊宴撥刺江魚入饌新

暨陽

魏允枏

烽火遙天接大荒高城憑眺晚蒼蒼薜蘿乍長新官舍燐  
火宵明古戰場秋雨遠來江氣白夕陽斜墮海雲黃二吳  
事業殘碑在矯首雲臺思渺茫

澄江感賦

王昊

百里征帆客路塵江城燈火識遺民連山荒冢飛殘雨背  
郭寒流截亂燐七十城猶新卽墨三千客已舊春申興亡  
今昔無窮恨獨立蒼茫一水濱

故人過訪

楊履泰

空齋苦岑寂忽至麤豪友不飾賓主文相見惟握手偶然

江陰縣志

卷三

藝文 詩

三

論時事掩耳卽疾走再欲談古今云舌不在口問君來何  
之爲言索旨酒不買屠門肉乃翦雨中韭剖開牀頭春痛  
飲盡一斗快洽平生歡秉燭竟忘久慷慨發高歌命予還  
擊缶言念總角時黃童成白叟人無百年期朝榮而夕朽  
行樂須及時富貴亦烏有緬懷荷鍤人此趣君知否

雨後秋山晚眺

晚色樹搖秋江城雨乍收斷虹懸海嶠落日下汀洲荻響  
沈沙雁煙橫失浪鷗扁舟垂釣者新月掛綸鉤

春草

嫩碧柔香遠更濃春來無處不蒙茸六朝舊恨斜陽裏南

浦新愁細雨中近水欲迷歌扇綠隔花偏襯舞裙紅平川  
十里人歸晚無數牛羊一笛風

夏日閒居

樹綠陰濃覆草萊况逢雨後長莓苔相忘游泳觀魚樂不  
著炎涼喜燕來但令羲皇軒一臥無須河朔縱千杯斜陽  
欲墮清風至斷續蟬聲送暮槐

九日有阻登高漫興

雨過晴嵐秋氣深可堪佳節廢登臨雲山好負他時約尊  
酒難虛此日心樓寂仲宣愁獨倚菊遲元亮醉空吟倩誰  
爲我冠重整不禁西風兩鬢侵

江陰縣志

卷三

藝文

詩

四

懷管月衣先生遠赴貴陽幕

夏世名

客星遙指極南頭逆水征帆溯上流草檄正當忠武幕懷  
人先過仲宣樓離樽未把慚知己幽夢徒勞憶遠遊彼此  
不堪俱老大心旌搖曳兩悠悠

遊馬鞍山

薛元敏

帆外一峯秀秋風晚更宜螺勻千斛翠玉立五稜奇劖石  
分天巧探泉及地維夕陽松意僻歸路不妨歧

贈花山隱者

徐 裒

幽居寂寂掩荆扉座繞煙雲碧四圍石淺懶分泉脈細山  
深喜種藥苗肥煮茶自埽松楸葉野服還穿薜荔衣長笑

五陵裘馬客不如君穩坐苔磯

聽鷓軒

李遜之

世態滄桑總莫看幽居容得一身安  
旣焚筆硯惟存我但課詩書勝作官  
韻事初盟秋雁語閑心直共浪花觀  
悟來萬事皆如蠟何必黃冠避俗難

江村秋思

陳芝英

駒隙流光喚奈何閒居潘鬢已婆娑  
江田夜雨菰蒲長澤國秋風稻蟹多  
未了塵根終是夢纔看平陸又沈波  
悲來尙覺雄心健自和滄浪白石歌

江陰縣志

卷五

藝文

詩

五

當繞樹惜無枝高原縱獵風偏勁  
急水操舟棹獨遲萬感不勝中夜集  
潘郎已是二毛時

登登聲是築瓜場三兩人家帶夕陽  
烏下湖田知稻熟風來漁浦雜菱香  
荷鋤人比歸雲靜行路心如落葉忙  
我羨爲農麤飯穩行歌真欲住江鄉

招隱詩

滄桑此日正增愁懶向江湖下釣鉤  
世事已聞同塞馬人情只合聽呼牛  
秋風涼月林閒墮春雨寒花檻外浮  
半枕黑甜知較穩好飛清夢過瀛洲

開河謠爲邑侯何使君賦

江邊溝港兩番潮城裏潮如城外高一自甘公疏濬後荻  
蘆平長暨陽橋

江城白浪漸連天從此無人歎石田昨夜桃花新水裏嘔  
啞撐過木蘭船

冬到來看十八鄉肩挑背負上倉糧如今一棹乘潮進人  
運爭如水運強

料得清官徹底貧今朝那得導河銀紙緩月俸都捐盡還  
典青衫贖告身

答陳江村

章耿光

曾何濟勝學尋山偶與吳雲結往還日鑄峯頭茶未熟剡

江陰縣志

卷三

藝文

詩

六

溪舟裏月同閒歸時菖葉方端午去日燈花未上元歲月  
浪憑芒履擲著書慚爾掩松關

麥藁歌

并序

沙張白

孝烈婦龔氏龔能女江陰人十七嫁劉玉玉孤貧龔竭  
力佐養事姑以孝聞未幾姑亡傾家買棺以葬未幾玉  
亡無棺里人假義欲棺之蓋多婦色也婦力辭知不免  
乃寄所生三歲兒六歲女於母家夜積麥藁自焚死質  
明發燼雙骸宛然弟龔廣缶貯而合葬之墓在順涇河  
北識者謂死兵死縊死水皆可死火最慘婦乃忍爲至  
慘者欲并焚夫尸也前邑令元陽李公碑其墓曰烈婦

龔氏麟陽趙公上其事於銀臺以貧賤弗獲旌事在成  
化甲辰西郊王君兒時識墓處懼久而遂湮表其躅於  
二百年後徵詩弔焉

麥藁麥藁爾何烈燬就貞骸脆金鐵從來忠孝與節義蟠  
結八荒綴六合假令天下無斯人燭龍僵死鼈足折龔能  
有女顏如花十七嫁向繩樞家生來不識脂粉面身懸鶉  
結鬢堆鴉相夫孝養養竭力十指勤劬覓衣食藜藿年年  
膝畔挑杼機夜夜窗前織一朝姑死家無贏買棺斂姑家  
已傾貧極可憐病又至阿夫早晚隨姑行牀頭喚夫夫不  
語牀下呱呱兩兒女摧心獨痛鬼神知中夜徬徨淚如雨

江陰縣志

卷五

藝文

詩

七

里人假義欲棺郎棺價無償身可當吁嗟一棺值幾許遂  
令烈魄歸黃梁生離死別兩惻惻夫尸暴臥子索食殉死  
何人哺阿兒顧兒何策埋夫骨斷腸百計復千思母氏家  
堪寄此兒臨行飽喂阿兒乳明日飢寒誰得知麥藁潛移  
環室布危妝正襟傍尸坐午夜轟然一炬焚質明兩骨同  
牀仆哀哉貧極不能棺夫婦同將一缶安順涇河北瓊枝  
瘞六月江濤過墓寒我聞神仙有尸解烈燄中間任瀟灑  
元陽李君麟陽趙短碑再表貞姬兆百年狐兔竄蒿萊累  
纍沒向荒邱道烏頭棹楔丹堊新處處旌他閩閩未聞  
將相公卿第夫死卻愁妻嫁人麥藁麥藁漫於邑遺詩百

篇成一集大言觸物金石開小言通幽鬼神泣朝旌不入  
貧賤門詩歌不諛富貴播我歌麥藁慰爾骨傳與將來細  
討論

郡志告成有感

巢傾安顧卵豹死尚留皮慷慨追良友從容憶我師恨無  
丁廩米敢怨魏收私何限滄桑感低回只此時

聞笳

可惜清宵月笳聲閒角聲四郊增舊壘百戰贖孤城得歲  
堪防敵占天未厭兵何窮身世感七尺一書生

大旱祝塘觀社

江陰縣志

卷五

藝文 詩

八

豈爲尋春至平原一望蕪忍飢民賽社敲骨吏催租瑣尾  
黎侯賦艱難鄭俠圖此時誇上瑞市有醉人無

登君山

紇干山頂雀呼風杼軸空哀大小東嘗膽臥薪前史裏殘  
山贖水夕陽中金消王氣謀何拙鐵鎖長江技已窮江左  
夷吾誰得似新亭遙拜始興公

答大育頭陀

秋水蒼蒼白露寒檀車淪落老河干逃名未必天猶忌出  
世何愁山不寬馮道六朝工販國張良五世憶臣韓他年  
遂欲成高隱莫著羊裘把釣竿



城南度夏

遊蹤莫定漫膏車借得城南水竹居烈女湖邊迴萬雉酒  
仙祠畔繞雙魚風能戰暑喧松徑月解窺人瞰草廬此外  
生涯無一事唐人詩句晉人書

懷李山人介立

回憶滄江老布衣萬松深處掩柴扉人間甲子當春換天  
上星辰向曉稀燕筍滿林村釀薄河豚出水蕨拳肥可能  
寄我相思字候雁於今正北飛

盼家書

盼盼家書半載無傳聞早魃寇三吳故人原上多青草豪  
江陰縣志

卷五

藝文

詩

九

客堂前變綠蕪萬里秋飈鷹欲出一輪朝旭鵲頻呼鱸魚  
豈便關歸興劇愛煙霞范蠡湖

甲子除夕和西山張公

霜鬢鬢髻未肯眠一鑪新火范公泉雞窗氣暖春如海鴨  
鼎香浮夜似年劔號干邪應秘匣琴彈山水不須絃長生  
豈恃神仙術漫把丹砂問僊佺

閱晉兒所作史論

豪氣空教蓋九州渥洼奄逝黯然休賦成幸不逢黃祖書  
就誰能薦馬周萬事憶來惟有悔百年過半只生愁江湖  
夙有漁樵約敢把盟言負白鷗

懷老友許介桓怪其無一詩寄我也

爲問箕山老逸民全耽詩酒不知貧身依磐石漁爲事家  
榜寒汀雁作鄰定有苦吟消永晝那無一字慰征人歸來  
賸爾滄洲侶白髮相看意氣新

同吳岱觀諸子弔杜康墓

弔古城南正麥秋方池清淺當松楸雙魚繚繞環高士萬  
雉崔巍擁醉侯荷鋪劉伶欣共臥短歌魏武倩忘憂德鄰  
更喜來新侶招得忠魂傍首邱

雲亭過黃仔薪

雲亭山下屢經過爲有高人掩薜蘿住處便成獅子窟前

江陰縣志

卷五

藝文 詩

十

身或是老禪和新詩自笑歸來少老態生憎別後多舊日  
橋中曾有約相攜一局爛樵柯

偶成

劉匪居

一卷殘書一榻風蕭蕭竹影是牆東囊中有句才非鬼字  
裏逢仙願作蟲刺繡十年飢季女鋤雲半畝老龐公何當  
眾穉軒渠笑向我頻呼失馬翁

大橋道中

陸次雲

行部樵田裏舉帷望遠山畫橋橫曲港微徑入香灣地僻  
風猶古形勞意自閒精廬還一憩清磬出松關

由里山同紅慈上人小步

李 寄

棋罷溪行萬慮空得閑心與遠公同幽蘭非草先春綠短  
葉如楓待臘紅曝背不妨松裏日煮茶自有竹邊風出山  
便是風塵客別夢還應戀此中

杜康墓

朱衣

孤墳三尺草離離一水迴環似酒卮世事滄桑知幾變先  
生猶在未醒時

感懷

徐禎

眼前身世幾滄桑往事何須問彼蒼寶鏡去時空賸匣青  
錢用盡并無囊難將詩價償書債且破愁城作醉鄉素志  
半生猶未遂肯教雙鬢惹秋霜

江陰縣志

卷三

藝文 詩

七

夏夜

簟有微涼酒半醒篝燈欲滅影猶青不知細雨疎簾外何  
處飛來一點螢

觀山僧舍

高慎中

精舍清幽倚翠微半岑雲氣護禪扉松林風度山聞語薜  
荔霜凝屋掛衣小雪僧歸農事早午齋客到貝音稀最憐  
壁立軒窗後蝙蝠乘秋百丈飛

九日集君山

曹禾

春申舊壤足相於秋色佳哉老眼舒片影隨陽銜稻雁亂  
篷收港落潮漁清歌欲補鶯簧好遊榼紛看水繪如天半

無風齊脫帽生憎華髮白無餘

送友人還金陵

屑瑟秋風送客裝蕭條村落更神傷滿天欲雪尊虛酒昨夜初寒雁叫霜馬足遠衝黃葉路吟聲徐入白鷗鄉江南景物關情甚烟雨秦淮夢裏長

自寶蒼菴同健上人過雙林菴

朱廷鉉

徑轉如無盡山行豈厭深過橋纔一里訪寺得雙林雲澹往來跡潭空今古心不逢僧指點勝地杳難尋

贈周了翁

高談垂老興偏餘瘦有精神鶴不如好古懶求逢世術傳家自有活人書曾同看弈過蕭寺時爲鈔方叩竹廬聞道別來身更健花間往返不乘車

登君山

洪周祿

水國蕭涼六月秋籃輿力疾仲宣樓金焦雙影天邊落蓬島三山海上浮弱水有枝聊當拂片雲無繫捷於舟白蘋紅蓼霜荷老搔首乾坤一點鷗

贈劉文伯總戎

陳安

蓉城北面障狂瀾列杖如霜草木寒今日山村花柳發不知征馬駐江干

一聲短角出江隈千片旌旗拂浪來日落沙寒帆欲下鼓

音遙送海潮迴

露下寒郊夜氣清溶溶月色萬家明暮鐘敲罷營門掩靜  
聽城樓報五更

絳節南來海霧收江濤從此復安流但看去日烽煙地徧  
植桑麻慶有秋

蘇墅村居

陶孚尹

曉起間關轉樹鶯耽閒聊作陌頭行紅飄山館花初綻綠  
點平蕪雨正晴十畝畝同巖壑隱一溪聊結鷺鷥盟東坡  
田舍還無恙買犢何妨事耦耕

澄江竹枝詞

江陰縣志

卷五

藝文 詩

三

長江如帶繞城隈四野青屏錦作堆千載延陵陵谷變居  
人猶說讓王碑

柳岸煙汀釣艇疎河豚風暖燕來初尙方盡卻揚州貢賤  
殺江頭子鱗魚

花關匝匝槿籬斜姹紫嫣紅入望賒爭說古涇花事足洛  
陽三月不須誇

霜落風高墜葉黃木棉如雪滿江鄉原頭多少攜筐女不  
愛猗猗陌上桑

橫河東去接雷溝侵曉行人抱布稠珍重寸縑休浪擲寒  
山龜手數更籌

編蒲不似治絲難巧製團團比素紈一縷花紋新樣好桃  
笙冰簟等閒看

贈蘂菴禪師

并引

沈永令

師於明天啟閒筮仕吳令晉吏垣崇禎閒建言廷杖詔  
獄滄桑後遂爲僧康熙乙卯駐錫江城距作垣令時閱  
五十寒暑矣永令以昔年童子受知門下感賦是詩  
浮生閱盡幾滄桑獨臥寒雲擁竹牀百鍊身猶餘鐵石萬  
言字尙挾風霜列朝文獻徵遺史一代天龍護法王士女  
爭來瞻瑞相使君故是宰河陽

同王聖濡張時升徐息溟遊鵝鼻峯

劉芳

江陰縣志

卷五

藝文

詩

古

曠達見高情知交託平素相與陟危峯奇觀敦夙慕我心  
竊自喜早行莫遲誤呼童不及膺出門自發付茶鐺手可  
提鑪炭裹以布滌洄江水清品嘗忘日暮巖壑恣探討狂  
笑蛟龍怖煙樹碧沈沈亂鴉飛遠渡別去訂後期計日梅  
花吐過我復尋歡春風滿園圃

茅菴

卜築剛五畝茅茨構一椽青蔬澆石乳午爨雜松煙果熟  
官無稅山深境卽仙悠然絕塵想種竹覆雲眠

題崑崙山樵傳後

并序

徐恪

崑崙山樵李介立江陰人母周氏霞客徐先生之妾甫

娠而出及生不歸族遂自託耳老云少負奇才不經師授郡守祖星岳試邑弟子拔第一李自成陷京師徒步走畱都上平賊十策不報後星岳官關中官湖襄乃資之遊西登太華望秦隴走雍岐南下湘漢過鄱陽汎浙江歸寓隱游鯉山僧舍嘗以遭世革命不欲仕自號曰崑崙山樵素無妻不畜僕婢自炊給食坐誦經史宴如也貧不得書聞人有書輒往借或卷帙繁重身自摺負往來山中性狷直不苟諧俗癯形危坐稜稜如厓上石賓朋相迓酬酢禮貌恭甚指陳經畫風雲生坐上意少慢卽拂衣去以故人憚其嚴未嘗不服其清操也學無

江陰縣志

卷五

藝文 詩

五

所不窺尤長於史著歷代兵鑿一百二十卷該貫精博他所論述甚富皆不愧一家言云歿祔葬游鯉山母冢旁邑孝子陳其忠爲歲時上墓遺書皆藏其家

清江下海門大石矗千丈南有叢桂坊下隱猶溪橡山人脊歸臥手把青藜杖蹉跎中興策惆悵凌雲想空山號鶴鷗寒室走夔罔著書高等身揮談笑抵掌雪深袁安臥病習莊生養衣冠陷泥塗崩角稽厥顙空同崑崙巔長嘯爲神往浮雲太華屐流水浙江槩遺淚灑雙峯乾坤畫迴莽

華六娘子辭

六娘子罵賊斫死死如歸血膏野草屍葬魚腹江寒月黑

飄靈旗鄉閭上其事有司不報翁媪傳說百年如一時有  
明正德年流賊竄江涸負嶠虜虎兇然吞突人民流離堂  
堂勳臣裔江國吳女華氏妻先後宛若同見囚羈六娘子  
見賊自毀殘其姿勸食誓不食推衣誓不衣倚牆而坐哭  
復罵不墮賊手汗巾綦軍中多紅顏或來相勸規直斥無  
所撓勸者齎咨而涕洟黠賊兇且狡扃閉一室翼或石轉  
中心移青天沈沈白日墮陰風夜掣江神祠朝來白刃那  
復顧嚼齒伸脰須臾期六娘子輕塵弱草胡不委蛇就甘  
美強自媚悅持容儀不然醜腆苟活傾巢冀完卵破鏡重  
圓時有之溧陽公主挾賊坐中郎弱息悲胡兒丈夫臨危

江陰縣志

卷五

藝文

詩

六

或有甚於此而沉婉變巾幗乃遂烈烈捐生爲一日慷慨  
千秋典彝金枝翠蓋光閃爍方連突厦心猶夷嗚呼六娘  
子死者不愧生者宜何師

蕭天子墓

臺城老公聲荷荷捨身不救一身餓土囊血淚簡文君骨  
肉復惹遊魂沈曹瞞作俑賊子桓後來禪讓渾築壇口猶  
乳臭當阼立宣猛將軍勒兵入江州甲馬功無雙外臺夜  
送江陰王江流東下沈波黑北望神州西建業狐薶狐搢  
續季卿坐買陵樹還吞聲同秦寺前秋草死麗華井上啼  
烏鬼空餘野火照孤墳至今人說蕭天子



贈江上何霜崖明府

秦松齡

春申浦上可花明  
泥飲齊傳茂宰名  
西晉家聲標石柱  
東吳文教屬江城  
映簾秔稻侵應滿  
繞郭魚龍臥不驚  
愧我未成循吏傳  
扁舟蝦菜幾含情

登城詠古

王序賓

樓臺高下入秋清  
林木蕭蕭葉有聲  
回首西風幾興廢  
夕陽古寺是梁城

吳時風景楚郊原  
終古青山對郭門  
艦浦蕭條陳郡廢  
寒鴉數點集孤村

子城仍是舊時軍  
雉堞參差鎖暮雲  
惆悵九原不可作  
劉

江陰縣志

卷三

藝文

詩

七

伶墳對杜康墳

遙塘颯颯響寒蘆  
覲面雙峯近可呼  
獨自歸雲菴外立  
一鉤新月照前湖

君山夜坐

張元昇

長嘯空山靜蕭條  
夜色幽月明橫野闊  
江勢挾天流清磬  
三更寺寒風萬木  
秋宵分人未寐銀漢  
落峯頭

雨後君山感懷

翠微天半俯滄溟  
今古登臨愴未平  
雨歇乾坤生暝色  
風高瀛海長濤聲  
荒城戎馬孤笳動  
落日山川一雁鳴  
最是  
可憐黃歇墓冷煙衰  
草亦關情

踏春

輕羅團扇趁春風此日佳遊士女同楊柳江村茅店綠桃花山郭酒旗紅鶯聲野墅笙歌外馬跡斜陽翠靄中卻望秋千何處戲赤闌橋畔粉牆東

露坐卽事

香消夜永漏聲停幽徑蒼苔白露零酒盡空江飛落月簷虛古木挂疎星朱絃細撥清宵曲團扇輕搖隔幔螢醉後朗吟招隱賦十年蹤跡恨飄萍

田家

矮屋低籬面遠汀春深場圃草青青嘗邀鄰舍乘漁艇自江陰縣志  
寫山歌貼紙屏幸免到門題鳳字閒繙敗篋相牛經東田耕罷歸來晚獨醉花前不易醒

雨後登邑城

高城極目晚迢遙野色蒼蒼雨氣消青草亂煙黃歇墓夕陽流水杜康橋山連北固千重樹江抱孤城萬里潮莫向女牆頻眺望漫天飛絮正飄蕭

追憶鄉先哲周硯農李介立黃子聲沙定峯四先生

暨家庸庵大育兩叔祖各賦一首

寂寞江天淚欲垂哲人一逝失追隨相如賦就稱詞客摩詰名高豈畫師淮海亂餘身似夢乾坤老去鬢成絲只今

遺句猶藏篋落日傷心未忍披

白髮飄蕭慷慨存深山一劍倚黃昏百年儒雅空悲老萬

首詩言孰共論李燮縱能全嗣續李固遭黨禍其徒王成負其幼子燮逋逃江湖

及禍平乃還鄉先生雖冒姓李而實霞客後人林逋終歎失兒孫先生終身不娶可憐荒

豕當斜日只有青蠅弔汝魂

天下文章已久蕪天下文章先生家堂額也尚推風雅冠三吳江山麗

藻生花筆骨格高寒老釣徒空憶少陵詩思健劇憐伯道

夢魂孤皇天未肯延儒術獨使同儕淚暗枯

幾春天未聽鶯聲銀髮歸來兩鬢生才藻燄能輝列宿文

章力可撼長城中郎望重憐王粲北海才高識禰衡子極承推

江陰縣志 卷五 藝文 詩 九

獎 惆悵虎賁無處覓一尊此日淚空橫

布袍高坐氣何揚霞舉軒軒動夕陽張旭醉顛稱草聖杜

陵窮老擅詩狂百年野鶴餘清影一夢春雲隔故鄉公客死靖

江 擬賦大招投海上亂煙寒水正蒼茫

一曲清琴天地老悲歌燕市意難消狂來詩句驚千古亂

後文章壓六朝花外衲縫紅葉冷嶺頭杖倚白雲遙公坐事後

嘗著一衲抱琴攜杖隨意行山水間秋江斜日荒城晚悵望風流總寂寥

雪阻法雲菴

窮冬慘澹朔風酸野寺蕭條古佛殘度臘僧眠三日雪題

詩人坐一樓寒荒江雲木疑花亂永晝山河帶絮看卻怪

遠公嚴酒戒不教陶令把杯寬

冬日遊澄江鵝鼻嘴

吳士玉

懸崖崒兀臨江東亂石騰擲江水中我來正值寒日落欲  
落不落江波紅初從城北覓細路板橋危度攀枯松君山  
歷落路遠近笑指絕境吾能窮迢迢江濱遡雲嶠遂踞虎  
豹登虬龍前躡孤根最險絕繞腳三面洪濤春江豚出沒  
戲左右長空浩浩驅天風仰天長嘯俯啜水溟渤萬頃吞  
於胸是時金光閃江面輪囷怪影搖冲融遠帆幾點帶暝  
色去鳥滅盡餘空濛江月促我蹋歸徑滿山霜氣迷行蹤

采香逕

汪鶴齡

江陰縣志

卷五

藝文 詩

辛

我踏香山峯上有采香逕采采馬蹄香寂寞爲誰贈美人  
今不來雲林靜疎磬

贈祝明侯

湯右曾

踏徧江南大小山堂開浮遠此躋攀時時采藥雲中去日  
日看棊洞口還笑我幾莖生白髮愛君七十有朱顏刀圭  
不是人閒物珍重青囊莫等閒

行部沙洲

葉紹芳

川原渺無際極望碧嶙嶙阡陌風猶古桑麻俗自馴天桃  
爭繞舍弱柳自依津父老牽帷問無嫌絮語頻

文選樓

吳永福

文采江東未寂寥遺墟重過感蒿蕭角巾錦帶人千古蔓  
草寒煙話六朝枯榦至今畱碧巘高樓猶憶訪紅橋湘東  
萬卷空灰燼憑弔無端首重搔

春日遊砂山

孫允升

乘興尋春春漸長悠然隨步出江鄉鶴翔天畔雲爲蓋鹿  
臥林閒石作牀已有好山堪蠟屐何須曲水始流觴野梅  
處處應爭放歸路微聞有暗香

砂山修禊

趙耀

宛轉春山曲磴幽籃輿十里喚林鳩蘭亭勝事聯今雨南  
浦清文憶舊遊芳草翠添晴水碧暖梅香共薄雲流多情  
江陰縣志

卷五

藝文 詩

三

殘照畱人住乘興還須到上頭

夏城望三山

王時霖

水田渺渺亂鴉飛獨倚輕舸望翠微近水綠蘿藏客店傍  
巖紅樹護僧扉採香往事疎煙冷泛宅人歸舊徑非向晚  
澄湖煙靄淨三山依約對斜暉

蟠龍山望江

天矯蟠龍入畫圖青林紅樹兩模糊晚來岸幘江天望幾  
點雲帆澹欲無

二侯祠

徐德求

吹角城頭海氣寒古祠下馬拜衣冠君王卜祚剛三百伯

仲論勳有二難鹿走秦原驅噲勃鯨屠漢獄失彭韓延陵  
門外松楸盡蕎麥茫茫夕照殘

白雲菴

吳繼鼎

山中雨歇興初乘石磴遙躋仗瘦藤清供煮花堪代贈閒  
吟分月不懸燈關防葉底餘雙鶴箕踞峯頭伴一僧尙擬  
誅茅同託跡嘯招黃綺白雲層

古涇花園

吳傅霖

盤遊幾日畱龍砂輕寒漠漠遲歸槎古涇花園富春事主  
人邀我觀奇葩昨朝北墅看未足凌晨再訪東阡花石橋  
流水路幽闌綠畦小徑尋谿笏槿籬茅屋自映帶風光彷彿

江陰縣志

卷五

藝文 詩

三

拂桃源家嫣紅姹紫紛到眼蝶衣褪粉蜂開衙氤氳花氣  
撲襟袖恍疑優鉢飛金沙豐臺洛下那足數金鈴錦障爭  
豪奢十千買豔我何有芳菲坐對成咨嗟興來折取代持  
贈照耀俗眼塗人誇歸來泥飲當酒具羯鼓好付花奴搥  
利城訪王百穀故居

名士何年宅停車問路歧江山成昨夢風雅憶當時廢壘  
榛空沒寒汀柳自垂吳閶吟玷在一種草離離

夏日宿飛錫菴

精舍依山麓軒窗四面涼客來疎雨歇溪淨晚荷香幽篔  
容酣臥新泉喜乍嘗一鈎纖月上長嘯得清狂

過月城橋

淡雲深霧景初昏短棹飄然破浪痕廢壘尙尋煙際樹平  
橋還傍水邊村漁人待月爭懸網估客提壺獨叩門可怪  
鄰舟誰按笛一聲子夜易銷魂

夜宿楊舍

於式

疲馬南沙路秋原草樹凋人歸煙市雨風響海門潮吹角  
嚴城暮聞鐘古寺遙籐牀眠未得雙鬢感蕭騷

晚登砂山

胡文炳

春山翠欲滴曉起入雲峯露濕松杉冷煙開島嶼空幽禽  
閒喚侶古寺遠聞鐘欲聽空王法高流未易逢

江陰縣志

卷五

藝文 詩

三

登香山

胡文燦

古柏參天合空山澹夕曛冷風吟落葉獨鶴引歸雲香逕  
寒花落飛泉曲澗分村墟何處是樵唱隔煙聞

慈雲寺

吳乾

頽垣金碧認微茫一樹冬青野草黃下馬欲尋何代寺斷  
碑零落臥斜陽

村居

繆民垣

岸幘林塘野籟生鶉鳩聲裏喚春耕春申浦上潮初長季  
子祠邊雨正晴十畝未成巖壑隱一溪閒結鷺鷥盟年來  
壯志銷磨盡耐可扶犁聽曉鶯

丁墅道中

王家棟

極目滄江上蕭蕭霽色寒遠洲殘雪在野渚暮雲漫旅食  
悲秋雁卑棲憶考槃行吟歸路黑何處不憂端

杜康宅

徐時化

廢渚何年宅餘香發杜蘅由來千石釀應匹五侯鯖清濁  
分賢聖醕漓別性情汗樽懷太古千載尙畱名

段山

丁繼鴻

淼淼江天外中流湧碧岑斷崖行轍少孤嶼夕陽沈水氣  
連昏旦濤聲自古今不知混茫裏畛域更誰尋

暨陽懷古

殷譽慶

江陰縣志

卷三

藝文 詩

十四

此地勾吳戰壘開尙餘重鎮楚江隈城邊斥堠連天遠海  
上魚龍捲浪來黃歇冢荒迷蔓草延陵碑古蝕蒼苔西風  
入夜鳴哀角并和砧聲徹曉催

秋夜與周南村作

聞 詩

澤國荒涼水接天黃花寥落更誰憐長飢每歎陶元亮蹈  
海空懷魯仲連鴻雁關山飛暮雨芙蓉池沼冷秋煙夜窗  
客到多相感共向清樽一惘然

大雨

楊名一

孟夏黑雲重如磐平地倏忽成波瀾庭前青草嬌穉甚一  
日兩日齊闌干春殘尙餘芍藥蕊無奈草何草中死蝦蟆



聒子聲正喧拙鳩逐婦何時已寒士憂麥飯相對多苦顏  
不得置身天帝閒手把大帚長萬丈一掃黑雲歸故山

旅興

東風未許逐良遊杜宇聲聲喚別愁三十日來江左客一  
千回倚海陵樓已拚花落無春分擬遣鄉思到醉休極目  
暮雲歸岫處笑余飄泊欲何求

新秋

燕門三度感秋風又值秋聲上井桐人住難爲過夏子無  
愁端似信天翁百年人恥尋常老一卷書爭尺寸功卻笑  
東坡老居士近來錢盡但畱筒

江陰縣志

卷五

藝文 詩

五

學書學劍兩無成敢冀人間浪得名醜婦自知宜免妬文  
人何事定相輕雀窺餘粒逡巡下蟬擁高枝自在鳴兀坐  
渾忘身與世一鑪茶火煮閒情

紀賑詩

蔡澍

朝行暨城東暮宿暨城西車殆馬亦煩去去將何之爲言  
捧檄來賑我蒸民飢自余來澄江三載罹瘡痍辰巳邁滌  
霖原隰成塗泥今歲大旱乾收穫艱糠秕嗷嗷徧哀鴻玉  
食與桂炊監門繪圖入荷此

恩綸垂江鄉十萬戶普賑良難施所貴杜冒濫庶以全黔  
黎單車走四郊按籍登門稽孤村迄小集詎憚兩足胝風

沙障面日雨雪侵膚肌胥役走且僵喘息難自支事竣隨  
散給粟帑紛而歧米固重粒黍銀亦權毫釐長官據廠坐  
災民走如麋老翁扶杖來稚子牽衣啼呼兄更挈弟抱子  
還攜妻蹣跚及偃僂連袂譁階墀呼吏計口授莫教須臾  
遲囊橐滿負戴筐筥交提攜豐年等糞壤凶歲成珠璣歡  
欣返蓬門滿餐勝肉糜豈知官長勞督給迄無時亭午不  
暇食宵眠尙嗟咨再賑復三賑務及來牟期民得數日飽  
官已半載疲側聞窮巷間寡婦涕漣洩自言賑不及里保  
營其私乃知博濟難堯舜猶病茲中夜起長歎端負坳牧  
司安得太倉粟大賚無孑遺

江陰縣志

卷五

藝文

詩

美

開河謠

朝截流暮排車桔槔軋軋歌聲譁暮戾水朝下蕩荷鋪攜  
畚走相向丁男輓泥下河心丁婦饁餉履河上里胥督率  
不敢遲指揮來去東復西上高下低紛若鶩夾岸聚觀人  
如麋鳴鑼一聲語聲沸前隊喧傳官且至我語眾工爾莫  
驚開河不裨官長事前年雨潦水不洩去歲赤旱河無滴  
泥沙壅滯蓄洩艱一際水旱苦罹戾田疇蕪廢無麥禾不  
異枯魚過河泣從來人事代天工前若倦勤後無及方今  
農隙力儘饒深疏廣浚休辭勞主伯亞旅互淬礪合耦協  
助無相撓俄頃事集厥功奏江流活活河滔滔平渠滿川

資灌溉西成黍稷盈四郊一勞永逸洵美矣煩我董責空  
喧呶我本爲客爾爲主康功田功我無與官如傳舍有幾  
時不能挈河更東去眾聆予言咸感激勤者彌奮惰者策  
一鋤兩鋤交手下千擔百擔無停歇行歌勸唱歡樂胥經  
始子來戒勿亟我觀情形大悅怡江俗好義公旬急頻年  
興作亦孔勞利民還當用民力江鄉溪港難悉數疏濬務  
盡罔渟淤譬猶人身具百骸血脈貫通靡有阻揚州土壤  
本塗泥教稼先從治水咨自今以往歲其有吹笙擊鼓陳  
豳詩

憩雙林精舍

江陰縣志

卷三

藝文

詩

七

火雲騰騰日亭午大地炎蒸如覆釜爍石流金未足奇烈  
烈川原等焦土誰家水閣泛茶瓜手弄輕紈自揮暑嗟予  
行步涉遠郊嘔啞籃輿逐平楚驕陽杲杲奈趙宣欲避炎  
威鎮無所吏人彳亍走且僵撲面黃塵汗揮雨山田犂确  
龜坼開桔槔孰憫三農苦淙淙水碓快機心抱甕終輸丈  
人古莽蒼行盡見嶄巖峯嶸山容狀如敵攀蘿捫葛度遙  
岑路轉岑迴聞粥鼓數聲清磬出招提一徑松杉轉寒洳  
入門風景大蕭涼碑字雙林紛可數玉林講席幾回遷傳  
鉢何人流法乳解衣磅礴蕩煩襟拂檻松風沁人腑茶鐺  
還問趙州禪碌碌塵鞅渺何許徘徊坐待夕陽斜滿院風

鈴自相語

秋日君山觀閱武

江城車馬如雲屯連營列騎羅層城將軍皋比坐武帳紅  
旗半捲開轅門秋高草枯氣始肅下令大閱張三軍先期  
尺素走相召邀我壁上觀陳兵繫予文士不解武見獵心  
喜頻怦怦筍輿侵曉出北郭西風颯颯吹衣襟是時遙空  
豁澄景嵐光澹蕩融朝暎林麓葉摧萬態出長天秋水看  
無痕張帷列幕坐磅礴偏裨左右威儀陳高臺建牙撼山  
岳五色揚旆羅繽紛一聲吹角繡旗颭淵淵伐鼓旋鳴鉦  
初觀決拾布正鵠貫徹七札覘殊能鐵騎控縱絕塵走箭

江陰縣志

卷五

藝文

詩

五

起鵲落馳寒星火攻列隊大舉燄轟轟礮擊侷雷霆刀牌  
突出擐籐甲跳盪不異猿猱輕須臾合隊大演陣五花八  
門交輪困端倪動靜渺難測日眩但見搖霓旌散如風雨  
整以暇班部肅然譁無聲策勳飲至呼勞酒僊僊屢舞齊  
歡欣彘肩生啖氣何壯將軍有酒真如澠堂上饒吹大合  
樂雅歌投壺陳壘觥軍容似此良不俗車攻吉日歌周京  
安不忘危古所尙扞衛無愧干城膺油油三爵意豪上酒  
酣耳熱仍憑陵長揚羽獵給筆札上林子虛研高文上馬  
殺賊下草檄吾曹意氣當凌雲一言寄謝百夫長毛錐碌  
碌羞書生

社日西城樓晚眺

獨愛西城路江山一望收登臨當暇日霽爽入新秋空翠  
遙岑落蒼煙遠嶼浮劇憐官况冷紗帽對閒鷗  
雉堞看新構高樓上切雲地形千瓣合天塹一江分樹色  
連隄暗漁歌隔渚聞坐聽吹角起林杪又斜曛

訪王梧溪故宅

詩人棲遯處遺蹟至今傳雅操希巢父高風溯魯連古苔  
封斷壁飛鳥下平川日夕滄江闊蒼茫起暮煙

遊香山

採香遺事邈終古號香灣石磴俛幽壑寒梅又小山人行

江陰縣志

卷五

藝文

詩

五

空翠裏僧住碧雲間放眼長天外滄江響自潺  
屈曲下山路泉聲一道斜平橋依丙舍夾澗尙桃花嶺色  
連巫峽溪田走白沙何時聽飛瀑谷口更停車

周文襄公祠

尙書開府日江左被恩時白水成腴壤青陽聳故祠野蘋  
溪父薦斷碣後人思瞻拜斜陽裏靈風颭畫旗

宿九蓮精舍

一徑尋蘭若行行入翠微青松生暮色白日闕禪扉燈火  
虛廊闌鐘魚晚課稀此閒塵鞅絕暫息漢陰機

二侯祠

東南半壁倚長城，衛霍眞看此復生。  
馬槊功名同伯仲，龍飛勳業紀旂旌。  
臨濠故里曾垂戟，籌海餘威尙戢兵。  
一弔荒祠無限意，壤垣風雨陣雲平。

馬家湖閱視隄工再謁周公祠

芙湖瀰漫水爲鄉，蜿蜒重隄慎決防。  
丙夜爭呼朝下坂，丁男難辦宿春糧。  
綢繆澤國憂難釋，躑躅河干瘁敢忘。  
歸路遺祠還展拜，中丞前列頌開疆。

書舍

斗室纔容膝，蕭閒祇自娛。  
莫言爲吏俗，公退坐攤書。  
鍵戶如山靜，鑪香取次添。  
勾當公事罷，微雨下重簾。

江陰縣志

卷五

藝文 詩

三

桂室

小築臨西簷，味同蝸舍冷。  
三秋風露時，幽花散清影。  
何來金粟花，植此苔邊石。  
客至澹無言，已入芝蘭室。

過劉伶巷得三絕句

不飲徒爲耳，吾師杜仲甯。  
斷碑池水裏，應笑世人醒。  
晉人方清言，參軍自作達。  
澄江非建威，何年此荷鍾。  
曲巷對平橋，委婉南城路。  
酒醉月明時，精靈自相語。

頌春卽事

一夜東風漾暖煙，陌頭初見景暄妍。  
河陽縣裏頌芳信，應許江梅獨占先。

簇彩攢花翠羽張靈旗畫鼓賽句芒東皇此日傳消息轉  
眼風光接豔陽

隊子魚龍百戲陳昇平風物見來新行春橋畔帷車過竹  
馬兒童有幾人

畫棟晴雲向野開紅英綠酒共徘徊芙蓉城外春如海誰  
識先從此地來

季子祠

李鳳翔

放棹春申浦來瞻季子祠落霞明遠渚夕日閃靈旗社稷  
看遺冢風雷護斷碑延陵弓劍地芳躅至今垂

蘇墅

蘇濱

江陰縣志

卷五

藝文 詩

三

流水斜陽外村墟杳靄閒何年遺片石終古愛眉山陽羨  
田空沒蘭陵宅易還耦耕吾所樂風雅自相關

文選樓

王企堂

昭明太子構幽居爲慕前徽訪古墟顧嶺樓臺還是舊大  
梁寶樹已非初江天浮遠東鄰海山月臨高夜照書仁孝  
性成思向學輪扶大雅有誰如

詠懷

許倓

頭童齒豁竟成翁重憶當年事事空董相下帷徒挾策班  
生投筆未臨戎飄零劍佩秋風老蕭瑟家園暮雨濛愁絕  
那堪兼永夜搗人心曲是寒蟲

次韻答薛彙仙

包彬

帶水難同李郭舟  
鷓鴣枝畔總句留  
新詩似錦惟緘恨  
春夢如雲半結愁  
馬翦焦毛嘶紫陌  
鶴盤瘦影叫滄洲  
天空地闊容疏放  
祇有吾曹氣味投

送黃雯中學博

虞鳴球

鱣堂飛舄入京華  
京口風雲繞去車  
千頃汪洋波膽玉  
字六年時雨潤金沙  
宏才應列鷓鴣侶  
教澤還留桃李花  
一歲九遷何足異  
會看紅綬爛晴霞

五經名宿腹便便  
坐卻春風已數年  
論古且憑人載酒  
飲和未覺客無羶  
鄭虔名向當時播  
伏勝經從去後傳  
報最

江陰縣志

卷五

藝文 詩

三

楓宸應得意  
除書頻向

九重宣

已向雲霄振羽翰  
典型畱得後來看  
筆花璀璨珊瑚架  
道味馨香苜蓿盤  
安定先生矜式久  
吳興弟子別離難  
回思絳帳趨承日  
花竹扶疎映講壇

無雙特上薦賢書  
枳棘原非翮鳳居  
屢爲斯民周蒨屋  
祇勤執事返

巡輿行看棠葉薰  
風轉共惜槐陰夜  
月虛唱罷驪駒征  
旆發五雲深處望  
瓊琚

客中遇閩重陽

車書



登高纜巾月今日又重陽破帽不堪落霜花應更黃白衣  
虛送酒異客倍懷鄉寂寞兼風雨那禁秋夜長

送慎宦師之鹽城學博任

沈濤

奉手將分袂心旌逐去帆宦情知己淡水味覺還鹹古堞  
疏黃葉寒江隔遠岳此行誰問字征雁待封緘

君山

出郭登山望茫茫百感生壯猷今古杳遠眺水天平已棄  
三千客猶當十萬兵有懷誰可訴落日大江橫

癸巳元旦

貢震

旭日曛曛上草廬老夫七十履端初風波已遠驚魂定霜

江陰縣志

卷五

藝文

詩

三

雪潛侵壯志虛傍舍溪山容履杖到門賓客雜樵漁稱觥  
祝嘏渾閒事任運逍遙樂有餘

登君山

嚴學誠

山勢西來杳憑高一望通遠沙橫水暗晴日射潮紅雲出  
平穿樹帆開側趁風王孫遺碣在春草碧成叢

蘂菴禪師精舍

聞說孤臣曾此依稜稜風骨古來稀昏朝抗疏霜凝簡故  
國傷心涕滿衣浪跡但求人莫識披緇常與世相違只今  
精舍松筠茂勁節如公亦庶幾

春日郊居

王學琦

田家幾日晴江上有鶯聲對酒野花落閉門春草生溪流  
清復淺村徑曲還平不用買山隱吾茲老釣耕

夢中得句云兒童知禮讓父老重衣冠言風俗之美  
也醒續成之

薄俗今何似淳風世所難兒童知禮讓父老重衣冠耕鑿  
惟同井催科不用官皇華應載筆畱待使臣看

王韓起見過

沈德潛

落魄滯江皋三年一布袍長貧真到骨眾論尙吹毛摧抑  
名偏盛艱難志愈高撫時還慟哭賈誼是吾曹

贈張時昇

江陰縣志

卷五

藝文

詩

三

身立窮通外家居圖畫閒潮回疑蝕岸雲動欲移山穴並  
臺佟鑿門如栗里關因思塵世裏只有此人閒

翁霽堂枉過草堂

風竹蕭蕭畫掩門久無筇屐印苔痕忽傳江上青衫客來  
訪溪南黃葉村千里相思勞仲悌一人知己感虞翻文章  
自是吾生事試與高賢對榻論

寄王韓起

河橋把袂燕飛初又值霜林萬木疎往日聲華應更好比  
來眠食竟何如白雲古寺聽宣講黃葉閑門想著書牘盡  
江頭冰欲解故人正好遣雙魚

蓑衣

翁照

記得寒江外曾披上釣舟煙波雙鬢老風雨一身秋戴笠  
偏相稱垂竿亦自幽嚴陵如愛此應不著羊裘

三十三山草堂落成示及門諸子

三十三山裏歸來始卜居亭因修史築田亦帶經鋤有志  
希君實無心獻子虛門生諳老懶常舁我籃輿

歸里

殊方小住又經年歸見家山一莞然楊柳曉風臨岸宅桃  
花春水到門船妻開酒甕香侵鼻童負詩囊重壓肩鄰老  
相過俱好在桑麻重與話尊前

江陰縣志

卷五

藝文

詩

五

雨後君山野步

一縷初暉潑眼明獨行江路喜新晴水當臘去青浮岸山  
到春來綠進城楚相祠空汀草合吳孃船過浪花平故鄉  
風景殊佳絕底事終年愛遠征

送翁霽堂之錢塘

杭世駿

君才敵百夫有作儼雅頌大江盪文胸崔蔡見伯仲篠簜  
美東南蔚爲天府貢拂衣不肯住泉石足吟諷一別渺天  
涯關河倏四凍征車再入雒賓主偶相從吾鄉君舊遊飽  
看南湖葑相送復歸去牽我吳山夢

前題

周長發

元瑜標格擅風華綠水池頭白恰斜一日百函眞作手十年三賦早名家來隨碣石風前雁去索孤山雪後花可耐凌兢衣褐冷玉河分手隔天涯

前題

夏之蓉

人居雲海古黃山亭上松風散客顏安世書傳三篋內太冲賦著十年閒劒鐔欲試方鳴匣藥裹爲鄰恰閉關賸有風華眞絕代須臾未許一躋攀

懷沈補蘿

袁 枚

我愛沈補蘿巍然松柏蒼手摩盤古頂髮帶麻姑霜置身元氣上浮世等糝糠畫筆爭顧陸書法追鍾王時扶綠玉江陰縣志

卷五

藝文

詩

三

杖來飲花閒觴子訓摩銅狄宮人說上皇竹石爲君古杯盤爲君涼但須聞談笑何必閱滄桑天若憐吾曹爲君駐頽光

沈補蘿謙齋印譜歌

謙齋印譜古所稀譜成命我一歌之我作才語非阿私爲古混沌書其眉先生古貌清且奇領頤折額毛鬚鬚東搨西摩靡不爲佞盧沮誦笑且窺穆王所刻宣王垂周秦盃鬲商尊壘三符六鳥鷲與龜速狼躔鹿爾雅詞以井爲闌墨作池以指畫吐窮孜孜先將六體探其微後以萬本驅其疵青石觸手成秦碑一刀初落追李斯二刀再入掃張

芝三刀四刀萬馬馳太阿斬斷珊瑚枝神龍摩卻千熊羆  
翾翾鴻鵠行且飛芄芃黍稷紛離披縱者欲懸橫者低肥  
或如瓠瘦如欹唐印如筋宋印絲惟公兼之孰與媿我聞  
竟陵王所疑刻符摹印無分歧楚金非之作繫辭部居別  
白窮銖錙今之私印古所治龜頭左顧孔愉嗤太字外向  
伏波悲昔人於此爭毫釐三倉爰厯書無涯皇皇炎漢嚴  
其儀尉律太史擁皋比九千籀試公卿兒曹瞞老姦何所  
知猶懸鵠書帳中嬉惜哉先生不遇時無人薦之軒與羲  
刻劃金石追龍威泰山瑯琊空巍巍所逢公卿多穿鎚新  
羅國人來又遲立本呼作老畫師厨空笑殺長康癡鐫勒  
一卮仲春填篆花作媒願公壽考永不違

題沈補蘿蘭亭卷子

并序

補蘿與王虛舟裘魯清交最狎沈王故工楷法五十二  
歲時各臨蘭亭一本互角精能畫者作流觴曲水貌三  
人於其中亡何魯清死又數年虛舟死補蘿每哭一人  
則跋數語於卷尾乾隆十六年十一月補蘿來白下出  
圖命題余生晚不獲見裘王兩先生而其時補蘿之官

建德余又將赴長安感三友之多情逢兩人之將別磨  
墨愴然不能自己

先生垂老淚星星行篋常攜感舊銘一代交情存筆墨三  
人顏色付丹青酒杯白社秋來憶玉笛山陽雨後聽五十  
二年鴻爪在昭陵風雪滿蘭亭

浮生難挹魯靈光風義羊求事渺茫兩晉書亡王內史六  
朝人賸沈東陽金仙次第辭西漢宮女伊誰說上皇惆悵  
鍾期來海畔斷琴彈落一天霜

衰草殘雲逐歲新梅花何忍住紅塵黃梁入夢剛三鼓白  
首同歸又二人再拜未消寒食恨九原應記永和春酒壚

江陰縣志

卷五

藝文

詩

三

近日蒼涼甚不望河山也愴神

冬郎江上未生時醉殺微之與牧之名士散場君太老繁  
華到眼我偏遲事如流水都陳迹人是相知易別離珍重  
斜陽行色晚石頭城下望歸期

翁霽堂三十三山草堂圖

四海才名六十春青鞵布襪軟紅塵平生事事謙沖甚只  
有青山不讓人

香山溶水影迢迢綠樹橫陳葉未凋半畝草堂江上好不  
關門住等春潮

試罷彤廷戶不開談經重薦伏生才一時猿鶴驚相顧花

外蒲輪今又來

自丹陽放舟赴江陰道中作

蔣士銓

放舟呂蒙城言入毘陵道寒流疊衣帶詰屈爲循微容刀  
等摩肩往復驚絕叫枯林織欹岸牖戶冠曲隩前津指甄  
山一一暮鴉導

贈翁霽堂徵君

錢大昕

緯蕭抱犢自家風薦贖仍看達

紫宮東國人倫推郭泰西京儒術數申公江湖載酒風流  
在耆舊論文意氣同擬向君山來問字相從踏遍碧玲瓏

彈花曲

包煦

江陰縣志

卷五

藝文 詩

三

攀枝花

棉花古名攀枝花

光映室終歲勤劬幾曾逸佳人捲袖擎

木弓千杵萬杵聲逢逢豈有幽愁不能理么弦撥出宮商  
徵楊花撲面不沾泥殘雲堆中叫竹雞荆筐束疊寒雲片  
紡車日夕抽冰綫妾意君情磁引鐵寒窗獨織絲絲血製  
就征衣貼君體淚痕溼透休輕洗

紡紗行

吉貝多鈴歲收好機婦家家理妝早明星灼爍坐紡車桀  
峙驚起雞聲譁銀絲抽出白於雪惟恐布成憎布劣入市  
易棉銖兩多喁喁笑語顏色和債戶糧差氣如虎賤售且  
紓一時苦老弱依然聚短簷一身尺布不曾添

璜塘鎮上卽事

徐方高

蕭然一水石橋橫市小稀聞雞犬聲近覽並無喬木古遙  
瞻惟見野煙平艱難編戶漁商業狼藉豐年醉飽情送客  
河干心惻愴居夷浮海歎吾生

農家

陳瑛

農家敦樸風但解數雞豕短褐被我躬不必紉與綺糲食  
充我腹不必甘與旨榆莢春雨滋穞稔秋風起宜麥亦宜  
稻高廩登億秭水旱占蛙聲五行陋志史中古書契垂願  
爲作僞始椎魯耕鑿民渾沌實未死賽社歡枌榆爭春賤  
桃李負薪而行歌翁子吾所鄙

江陰縣志

卷五

藝文

詩

四

舟行夜坐

暑殘岸柳風秋入江村夕披衣上枕樓對景時不憚舫燈  
耀昏黃流螢照深碧孤鴻天際來惆悵遠行客  
歷歷河之湄行行江之漭目斷故鄉人耳聽故鄉語暮息  
與晨征畏畏竟無侶兀坐一沈吟三更荒戍鼓  
水宿掩孤篷蟬語送朱夏風動樹先秋月臨江不夜毋爲  
險句吟恐受魚龍訝極目望蘭陵依微見吾舍

月夜登望江樓

曠蕩浮寒閣凌虛渺畫圖天青澄月兔江白靜風烏入夜  
景方寂攜筇興不孤石灣吾欲發沙路只盤紆



同屠賢書夜坐

四野浩風露迢然長道心溪澄收眾籟月澹出疎林觀化形同釋忘機暑不侵清言餘逸韻如聽穎師琴

呈蕭月舫遊戎

馬鞍山色俯滄浪望重台階八葉長曾執虎幡司禁籞旋持玉節鎮金湯胡牀嘯傲樓頭庾緩帶風流峴首羊羨殺能文兼好武知公門巷本青楊

雅歌投壺格自清暨州城畔駐霓旌恩推小校斟甌賜禮接名流倒屣迎詎止六韜欽大樹卽看五字號長城雕蟲舊有登龍願晉謁從申御李誠

江陰縣志

卷五

藝文

詩

三

送繆澳瞻之養利州牧任

班聯玉筍早知名載石人呼一葉清

天語褒嘉緱氏最蠻童歡躍細侯迎白雲晴嶺神燈影綠  
襲秋江畫舫聲到處煙霞供擊鉢細編閒擁舊儒生  
歸省春暉噉蔗甘緇帷枉駕使君驂笙簧兩部招河朔津  
堠雙旌指日南深院文楸簾外聽長城高唱集中探他年  
報績徵宣室垂問蒼生已素諳

安遇

趙曦明

隆冬有愆陽盛夏有伏陰陰陽終定位益驗天地心所以古君子惟用德自馨失意不敢悲得志不敢淫

一日不盡分此日爲虛生一事不盡分此事爲無成順逆  
常變中努力得安行我生自有定寵辱何所驚

望江樓次壁間韻

江勢滔滔遠登樓望欲窮帆移晴絮外山繞覆杆中孤塔  
凌空水雙門東海風練光浮落日人映晚霞紅

酌酒與儲玉琴

屠紳

當筵那復問悲歡念爾茫茫感百端風雨十年家鐵甕雲  
山一夕話銅官誰憐冷鍛檣康竈我愧虛彈貢禹冠今夜  
蓉城好明月醉中猶得坐團圓

都門春日憶韓園宋梅

朱黼

江陰縣志

卷三

藝文

詩

望

東風不挽餘寒住

御溝冰泮清流注開園絕少五出花卻憶家山古時樹孤  
根如鐵堅不頹天水碧色妝莓苔三花兩花足太息已闕  
五百餘歲來東園載酒坐花下亂石荒池舊臺榭席地常  
過芳草春淩波更度芙蓉夏雪花飛盡燕山青大千春氣  
先

帝城鰓魚負冰凍猶活好鳥拂羽暖更鳴長安市上種花  
叟百種非時無不有土窖真成羯鼓催瓦盆劇惜雙蕾剖  
孤山處士白板扉月明滿地橫一枝窗前忽到那可待何  
處長笛臨風吹

題黃氏雙孝行畧

秋雲壓窗烏夜啼燈前匝影孤兒悲中宵展卷一再讀淚  
漬行墨如縷縻人生孝思本天性舉世空慚士夫行壁立  
行傭兩可憐宗門庸德相輝映美哉賢嗣揚厥芳採風庶  
克徵文章孝子何心望及此惟孝生孝理有常名公鉅卿  
愛縷述沛國孤兒忍載筆我有悲懷不可言邨山風雨秋  
蕭瑟

晚歸鶴莊道上

遠日荒村外歸心落照邊羣鴉盤古埭一塔破遙天烏柏  
沿隄雪丹楓隔浦煙秋光無限好何計買林泉

江陰縣志

卷五

藝文 詩

三

孔千秋惠印章

此事已寥落故人猶討論丹書來遠道寶氣入荒村搏手  
龍螭古傳家蝌蚪尊金章空斗大吾喜爛銅存

輓車質齋先生

茗火鑪香啟百函蟠胸古味一生酣臨摹尙憶中興頌筆  
記空餘老學庵北面有書教李翊西州無路哭羊曇藥欄  
依舊春風度乘興還誰更繫驂

蘆山謝事歸有以蜀事垂問者追次少陵諸將五首

韻答之

天外愁雲劍外山雞頭牛首敞重關窮秋鴻雁遶飛後滿

地豺狼轉瞬間經卷簽丁隨處有羽書旁午幾時閑西征  
零雨三年闊不見紅旗霽

聖顏

秦通商雒楚方城驅入夔巫豎旆旌發難驚傳紅粉帥摧  
鋒愁說綠旗兵干戈不任生偏惜壁壘牢關野未清將不  
能軍何有卒中原無事久承平

淒涼斥堠不傳烽破屋危樓嶺萬重過處我曾憂遠戍霎  
時寇果肆西封養癰自致瘡瘍潰縱虎非徒犬豕供可痛  
三川焚掠盡莫從焦土問耕農

羣醜紛紜姓氏標蜂屯蟻聚幾曾消封章屢聽殲頭目劫  
火仍看暗沈寥黃紙爵煩天老筆翠翎

江陰縣志

卷五

藝文 詩

器

恩重

御房貂軍儲更費司農計肯但雍容賦早朝

楚氛甚惡問何來蜀道誠難古所哀重望嚴公收滴博還  
思吳漢畫雲臺嘉魚已爛烹羹手郫酒休添飲血杯露布  
有人磨盾作不妨林下老樗材

澄江使院答陸青來

曹仁虎

小邑猶傳楚相居空江半壁控南徐論交喜稅塵中駕談  
藝閒繙篋裏書冰泮曲池芳草長雪晴官閣早梅疎最憐  
三十三峰好日日開簾對碧虛

重題二黃孝子傳兼簡全五

徐桐

清溪曲曲繞璜塘庸德相輝孝友鄉風雪廬中霜草短桑  
麻林下紫荆長曾裁樂府歸烏有再讀南陔爲補亡盛夏  
款門勞遠顧細談往事淚沾裳

中秋

曹復

枚叔江濤句坡公水調頭中秋一片月今古幾人愁我欲  
乘槎去高吟最上樓不勝清興發玉宇澹悠悠

雙林菴

疎鐘白雲裏隱隱見雙林一徑流泉急到門煙靄深幽花  
參妙諦古樹證初心坐久山光暝虛堂起梵音

江陰縣志

卷五

藝文

詩

五

草堂閒詠

煙雨茅齋別有春忍將塵事冒心神閒親魚鳥爲佳客浪  
認溪山作主人入骨曉風偏送冷到門殘月不嫌貧白雲  
長鎖桃源路未見漁郎肯問津

點虎行

徐辰

猛虎與騶虞形質可混淆南山白額真狡黠假稱仁獸來  
春郊邑中父老爭置酒咸謂騶虞洵仁獸雍熙盛世始見  
之今得來邀民福壽騶虞與人久馴擾忽然肆虐張牙爪  
踞地一嘯生風雷百獸聞之盡顛倒初猶攫狐兔繼乃搏  
人民邑中父老號且嗔咸謂騶虞何不仁望風走匿遠回

顧乃知騶虞是猛虎

黃山

崩崖突兀瞰飛流有客攜壺到上頭風勁角傳孤堞晚月  
明潮湧大江秋當年誰惜朱英去此地空因黃歇畱我醉  
長吟踞鷺鼻青楓白露不勝愁

食河豚

河豚雪後網來遲菜甲蘆芽正及時纔喜一尊開北海忽  
看雙乳出西施箸分象齒徐徐舉風軟楊花細細吹不信  
肥甘中有毒濡毫擬續聖俞詩

過李小尹庸山草堂

江陰縣志

卷五

藝文

詩

吳

庸山青繞短籬斜叢棘幽篁亂暮鴉不是書聲能引客停  
車何處認君家

題閻典史祠

趙翼

傳芭伐鼓劔羊豕前代孤臣今代祀不讐枯骨國法寬不  
忘忠魂民意美是時

王師下金陵大江以南望風迎小朝廷已被俘去爲誰保  
此彈丸城國亡援絕獨孤守作計雖謬心則貞姓名已入  
點鬼簿滿城皆鬼作鬼兵以鬼易人一當一人則怕死鬼  
怕生梯衝環攻百道禦積屍高與雉堞平縛芻爲人夜取  
箭縋縲出卒霧斫營軍久絕糧鼯鼠掘土不解甲蟣蝨生

相持八十有一日一日中有千輪贏君山礮聲沸江水鐵  
騎平明滿街市短兵巷戰血尺深袒臂一呼仆者起力盡  
俱甘駢首戮至今白骨填荆杞嗚呼明季雖多殉節臣乙  
酉之變殊少人將帥降旛早豎壘公卿款表先趨塵高門  
王謝獻城亟盛名巢由拜路頻何哉節烈奇男子乃出區  
區一典史

楊舍城北登望海樓

暨陽城北皆洪流尙是江尾已海頭何人好事欲窮覽傍  
涯築起凌霄樓我來拾級快登望六十里沙爲外障障外  
卽是滄波涵果然一豁心目曠曾披載籍徵典故陰火陽

江陰縣志

卷五

藝文

詩

七

冰莫名狀橫爲摩竭豎難陀鼓鬣揚鬢動千丈幻影樓臺  
蜃市觀寶光珠貝龍宮藏方壺員嶠仙往來奇肱飛車不  
黏浪書生薄相那遇之健筆韓蘇枉摩盪是時卓午懸曦  
輪潮氣上逼白日昏不知是天是水還是雲但覺混茫一  
色無區分偶然萬斛舟如墨一點萍入寥廓微雷痕欲駕  
鼉梁渺何際江湖比作蹄涔細中原水皆地所包至此始  
信水包地不識此水又用何物包六合以外真難議頗聞  
近日萑苻萌連艚結隊分縱橫劫財賈舶畧無忌漸恐登  
岸殘村氓安得三千水犀弩鯨鯢戮盡常澄清

華墅

近遊百里覽郊原柔櫓來過華墅村山勢不高猶翠色江  
流雖近少潮痕朽株葉借藤牽蔓傾岸泥緣樹絡根東去  
相傳多古蹟暨陽城控海爲門

暨陽望海

決肯真教目力窮憑高一覽大瀛東五更紅湧扶桑日萬  
里青排舶趁風勢絕中休無過鳥氣能橫跨只垂虹正當  
海不揚波世何物萑苻敢逞雄

秦望山

張士誠駐兵處戰敗後  
明吳良等遂拔江陰城

秦望山高好駐兵淮張曾此瞰江城亂離未定瞻烏止盜  
賊皆思逐鹿爭赤伏符終歸漢主白駒場枉闢周京

士誠  
僭號

江陰縣志

卷五

藝文 詩

吳

大周祇餘不肯生降處猶似田橫氣未平

寫懷

李穎

縱酒狂吟幾十年甘心披褐老林泉青氈久坐能驅盜紫  
石常磨勝買田富尚懶求何論貴人猶難做况云仙生平  
自問無他愧但好虛名未盡捐

晚泊白蕩圩

吳鴻璧

遙指吳門樹風檣去杳冥天高盤鶴鶴沙暖聚鷓鴣野水  
涵空碧秋山挾雨青歸心正無賴漁唱隔前汀

韓園探梅次崑田韻

名園斜枕錦城東匝匝花開宛轉通一鳴寒煙疎竹外萬



山晴雪夕陽中高樓祇許橫長笛好夢偏宜逐曉風莫訝  
瑤京三十六此身先在蕊珠宮

漫興

十畝桑陰退灌園高情蕭淡薄華軒閑評花史消長晝細  
翦松毛覆斷垣白眼漫言同阮籍赤鬚曾不似劉琨黃金  
用盡空羞澀肯學兒曹倚市門

郊居

老樹干章水一渠繞欄花竹稱幽居恐妨肺病常辭酒最  
薄時名懶著書過雨麥畦春放犢嫩晴瓜圃晚攜鋤莫教  
埽破苔紋碧門外原無長者車

江陰縣志

卷五

藝文 詩

吳

壬寅秋風潮述事

周書

白露凋秋節陰晴忽變更黑風吹地轉飛雨挾潮生亂葉  
千林影遙空萬騎聲竭來憑水檻湧洶勢難平  
城東滄波小東趨力尙迺翠沈高堰草黃泛濁河流歎飲  
羣山響蒼茫一氣浮此時江海上海浪極天愁  
幾日衝飈惡今朝霽景長木棉飛絮白穉稷罨雲黃水落  
沙痕淺秋蒸桂粟香依然好風日農務未全荒

春日同友人自黃山席帽峰遊石灣至鷺鼻北登君

山望江樓

孫燦

黃鳥喚春江上還載酒共踏城東山披雲過山麓笑指兩

石灣石灣何嵯岌猿鳥巢穴乎其閒上有古藤老樹颯繁  
繞下有奔湍激浪喧迴環我來臨眺復何有怪石蟠拏劇  
奇醜顛風捲江江欲翻狂波撼山山欲走須臾風定崖谷  
涼江如淨練凝清光苔石雜坐共舉觴獨鶴遠翥江天長  
一抹晚霞明未斂澄波倒映紅於染西北蒼茫杳靄中隱  
約金焦煙兩點興酣覓句酒未醒振衣鷲鼻風泠泠崖陰  
或逢豺虎跡水氣忽帶蛟龍腥下臨無地深不測前對君  
山淨如拭穿花拂柳野徑通仰望江樓更攀陟醉倚危欄  
亦壯哉岷濤萬里晴光開濤聲澎湃向東注山勢嶮屺從  
西來斜陽澹映沙頭樹極目遙空煙水暮曾聞滄海有蓬  
萊我欲揚帆從此去

江陰縣志

卷五

藝文

詩

五

遊普同塔

石塔突兀松雲遮比邱老去埋煙霞四空中藏萬鎖骨一  
穴度滅千毗耶是身曾飛赤舍利彼舌定放青蓮花普濟  
同人德無量詩成稽首山之崖

周孝子士瑄詩

史有光

少慕事親傷心陟岵長慕事親謀生服賈解一人邇父母我

遠父母誰有父母誰無父母解二隨親渡江囊空斷火我飢

猶可親飢殺我解三粲粲白金靡靡青草養親事大拾遺事

小解四父疾籲天一身何有母病澣衣三年匪久解五雖有半

子可當一子他是女子我是男子六歲時備物必誠必潔  
白楊蕭森杜鵑啼血七解無父何怙無母何恃卓哉孝子父  
母不死八解

盛節婦詩徐民望妻庠生由勉母

重夫恩妾敢生重夫祀妾敢死夫死妾何依妾死兒何恃  
兒能讀書妾辟纊空房夜夜聞啼烏聞啼烏淚如雨朝來  
對兒述夫志夢裏見夫說兒苦力持門戶三十春兒婚既  
已畢兒名亦已成率兒婦拜夫墓白日下高天暮妾心盡  
矣夫心安相逢含笑黃泉路嗚呼相逢含笑黃泉路

杜康墳

江陰縣志

卷五

藝文 詩

五

杜康墳下春水流杜康墳前春草稠客來過此皆歎息一  
犁雨足驅耕牛卻勝金輿和石馬落花無主飛鴛瓦楚澤  
誰爲獨醒人伯倫自是知心者君不見君山北障芙蓉城  
春申墓與江湖平當時珠履今安在醉客猶傳千載名

禱雨

義馳輪箕揚塵邨邨巷口來迎神白髮叟赤腳走家家門  
前齊插柳搔首叩天公天公何夢夢朝爲稻秔夕成蒿蓬  
民間有田不得種官府正稅將誰供鳴金饒打瓦鼓小巫  
執羽大巫舞巫言日中當降雨

新橋叟

新橋老叟七十七白髮蓬鬆面黧黑一兒已死孫早孤出  
外萍飄覓衣食伶仃孤苦迫衰年活計惟存半畝田去年  
種瓜收倍利今年種瓜瓜脫蒂火雲覆地如鑪烘訛言上  
天降赤龍此翁擔水新橋畔曲背辛勤手澆灌黃塵撲面  
惡熱侵力盡心憂魂倏斷噫噓欷此翁可憐不惜命半畝  
瓜田竟身殉

君山懷古

芙蓉城北大江頭削出孤峯踞上流春草未忘珠履恨寒  
潮猶訴棘門愁風帆岸柳啼烏集戍阜軍笳牧馬遊聞說  
仙人遺舊蹟螳螂曾畫岳陽樓

用陳惟  
牧事

江陰縣志

卷五

藝文

詩

五

松風亭想白雲邊浮遠堂尋夕照前故冢蒼涼埋朽骨遺  
碑磨滅臥荒煙封吳莫問三千客相楚空悲二十年賸水  
殘山今復在遊人魂斷子規天

九日登鳳凰山

蔣杏書

數聲早雁度寒空憶著登高藉短筇霽日長天千里碧平  
原老樹幾村紅一尊獨盡澆愁酒半嶺誰同落帽風信步  
歸來襟袖冷孤懷轉寄浩歌中

感賦

祝純嘏

木葉凋殘老樹顏霜禽飛去又飛還澄波我愧盈千頃廣  
廈人誰說萬閒縱有癡腸能拜石敢憑孤掌獨移山捫心

恰少全牛力握管聊窺豹一斑

戚中書墓

敗壁畱題血未乾合門赴義古今難當時一炬心俱赤事  
後追思膽亦寒危素貪生眞老耄文山殉國本高官聞來  
散步荒園裏蔓草淒風淚暗彈

雙藤枕爲烈婦黃朱氏賦

并序

王蘇

烈婦江陰竹邨朱氏女璜塘黃紹南繼室也歸黃四月  
而寡適母家以送夏節物至見雙藤枕悲曰枕雖成對  
人已無雙焉用此爲旣成喪遂投門前溪水死

妾家房陵朱君家江夏黃新春爲君婦百日成孤凰憶妾

江陰縣志

卷五

藝文

詩

三

嫁君時繡枕雙鴛鴦何期君早逝孤枕淚千行壻亡翁未  
知猶送夏時裝冰綃爲我衣霧縠爲我裳團樂畫紈扇秦  
女乘鸞翔滑膩雙藤枕橫安滿君牀君昔悲遺挂妾今泣  
空房枕雙人已隻撫物心焉傷妾家住竹村君家住篁塘  
門前清溪水斑竹抽新篁舉身赴溪流未亡永不亡枯藤  
作鏤枕死後更生香

文選樓懷古

顧山春來翠欲流嵐光飛上文選樓樓中帝子正年少右  
拍洪崖左浮邱芙蓉江畔芙蓉落拋將褰屐恣搜索不道  
書成赴玉樓望思臺上哀歌作須臾白馬壽陽來玉女窗

扉長碧苔建業乍悲書寄爪湘東旋歎軸揚灰周人不到  
高樓下滄桑閱盡畱佳話紅樹相傳說六朝青山依舊臨  
三界我向江干訪故居當年几席已成虛山茶花放春何  
限腸斷蕭郎舊讀書

迎春謠

紙糊墨畫老鰈鯨一牛腹中孕百犢乘輿握扇夾道看朝  
作乞兒午作官俗飾乞兒  
爲春官一聲鳳栗一聲鼓牛與句芒出  
官府芒神袖裏帶春風世人不識調元功卻道性情多執  
拗暖著重裘寒脫帽

河豚歌

江陰縣志

卷五

藝文

詩

著

南來快事烹河豚春江始暖春潮渾形如科斗通卦氣東  
風一扇來海門涵淹卵育厭鹹鹹隊伍敏敏心墮蜉漁人  
持竿擊其首膨脗仰臥聲啾啾拗怒十二猶未息已載解  
艚登簞盆不鬻不鬻狀異鰲能歎能飲勇若賁南人羹臠  
有成法鮎背可相腹可捫分肌擘理復洗髓刮膜瘞血兼  
禁鯤中廚轅釜響未絕掃塵拭竈桑火燉蘆芽甫茁柳未  
絮燕來新筍來山村諸蔗醃漿沁甘冷橄欖壓汁清溫磨  
登盤饋客列几席百花苦露江陰  
酒名盈芳罇老饕下箸聲有  
噴食罷關膈俱和溫縱談小說莫盡信安得餘氣四日存  
坡公品味值一死食此殊勝逢章惇後時并笑聖俞句腊

毒難與諫院論凡物生食悉爲患此魚失餌尤崩奔乙腸  
務去禮經載卯人弗食古語敦屏棄馬肝維食肉頗類通  
脫非遇芘我言腸胃匪有異異味要賴盛氣吞食之懷疑  
必壅滯甲兵十萬胸中屯昌黎能徙鱷魚宅孟德善噉野  
葛根忠奸雖殊氣則一先不可勝生乃尊牛酒亦能死子  
美耳食日論蝨處禪前宵雨雪恐將隱東方喜見懸朝噉  
清明信後蟲入腹乘春日日宜饗殮刀魚尙鮮鱠殘出煎  
熬調和連晨昏卅年遠客愛鄉味聊假醉飽安詩魂便誇  
福似范少伯西施乳滑無畱痕春榮供奉屈爲小當與水  
族重加恩

江陰縣志

卷五

藝文

詩

七

祈雨謠

家家簷頭插楊柳富人芒屨沿街走出門拈香茶漱口鼻  
塞眼紅餘宿酒屠門半做肉不懸牢盆中藏生彘肩米店  
閉戶量紅鮮未問升斗先數錢昨朝前日增且千農夫踏  
車足盡腫守候早潮夜登隴安得後種先熱種縣官張繖  
乘肩輿禱雨歸去比樂輸

捉船行

隸人乘輿輿壓肩手持官符呼捉船大船賣放小船住丈  
夫叩頭婦數錢銅錢瑣碎不足陌袖出黑索相拘攣捉來  
灘頭鎮日坐十船日給其一千官奴縣吏醉且飽舵工水

手垂飢涎韎韋之士不滿百河干焉用帆檣連磨刀洗鎗  
買弓箭馬裝鞍轡衣裝綿裝成猶復待信宿始得金鼓旌  
旗全舟人久需敢伸喙夜夜寒抱蘆花眠客舟望風不入  
港雙艣搖破空江煙鄉人藏壑苦無術盡棄篷纜沈諸淵  
衝波有艇何翩翩呼之不懼溯且沿初登鄉舉謁學使阜  
隸手捉何敢然隸言書生不曉事賊謀已度黃河堰捉船  
載兵豈得拒否卽官立笞長年書生不語榜人泣行李散  
亂舟楫捐孝廉船到尙如此行旅那許行通川爾欲行舟  
安且便杖頭錢向船頭懸

秋旱志慨

江陰縣志

卷五

藝文

詩

美

秋來卉木尙扶疎猶憶驕陽九夏初禱雨倩人朝折柳分  
風爲我晝翻書檐牙煙冪藏飛鼠石齒苔深覆坐魚畏景  
雖長仍易度轉因新爽惜居諸

稻秀初齊白露橫霜華竟夕壓香杭

未白露而先霜

法官羅織蜘蛛

蛛網貧女機絲絡緯聲不分踏車兼旦晝渾疑淘井過清

井水皆涸

明家家淘井扁舟一葉門前繫縱少風波未可行

河乾不通舟楫

積齡才盡似江淹何苦青蠅集筆尖蕉當美人心不展蜂  
爲檀越口常甜水中畫字真空券井底看星豈吉占頗怪  
連朝秋後熱未能博得雨廉纖

餅師修月一輪秋聯袂誰爲踏月遊螳臂有時徒取怒藕



腸無地可容愁相逢椽媪頻增歎寄語魚蠻莫叩頭我已  
久拋吳質斧木樨香裏肯句畱

芙蓉江龍舟辭

水上浮萍到處圓黃梅時節插秧天嵇康心性難馴擾且  
看江頭競渡船

樹頂霏微少女風遙天一抹曉霞濃行雲行雨分朝暮疑  
是瑤姬欲跨龍

貴主還鄉赤鳳來涇陽陳破送輕雷龍公龍女俱行樂不  
見傳書柳秀才

旌旗影裏雜笙簫擊楫鳴鐃趁晚潮新月初生蓮界闊解

江陰縣志

卷五

藝文

詩

七

元橋外五雲橋

千枝燈繞火城圓驀地翻波落水眠應是四公重報使夜  
開珠藏看樓船

舊曲崑腔葉譜翻康王新派四絃繁分明廿九年前夢水  
調歌頭閒十番

讀騷覆盡掌中杯眼底猶多屈宋才一樹石榴紅兩岸好  
花何必及春開

興盡歸來細雨飄殘妝半面不勝嬌一船兩槳輕於葉繫  
向新栽柳樹腰

輓王儕嶠太守

嚴 烺

卅載京華溯舊遊仲宣才望共登樓

子與濟嶠曾同館先師劉竹軒少司農邸

寓論交江左聯同里

子舊籍江陰

獻賦津門看上頭傲骨只知

書可樂高情真覺世無儔可憐永訣春明路回首從前淚

暗流

子自蘭州回京遂與永訣

早擅三長稱史官平生心跡戀高寒文星不遣皇華使諫

院空高解豸冠白簡趨朝猶蘊藉朱轡到郡亦艱難祇今

逝水傷淇澳空見猗猗竹數竿

濟嶠出守衛輝

乞病恩恩去衛輝年來身世覺全非愁中娥媚青山老夢

裏交遊白髮稀

時舊同社汪浣雲侍御黃小迂廣文皆下世

傳世文章心血在

還家兄弟詠歌違那堪重踏東華土魂斷妻兒化鶴歸

江陰縣志

卷五

藝文詩

美

忍死時言待巨卿悔予遲到已難生命因藥裏忙中誤

誤服

桂附以

身招提幻後輕

時寓僧寺

手付一編增哽咽

病中以手編詩

稟泣

神遊三島最清明臨終縱得連宵話不是聯牀誦讀

聲

校試峻堂詩竣有感

竟似泱泱奏大風眉山前軌後崆峒長才只合貧官老健

筆應教藝苑空衛水萬家歌頌裏瀛洲千古夢魂中思君

有淚垂如縷一卷摩挲讀未終

曾泛江湖訪戴船武昌煙月暮春天

乙亥暮春濟嶠訪予於武昌臬署

題

襟漢上如新雨吹笛樓頭似散仙鸚鵡有聲傷逝水

時大兒延

正天梧桐垂淚到離筵

未兩月予開藩蘭州僑蟻別去

蘭州一去恩恩返竟

了長安未了緣

君心如見讀君詩落日梁間夢不疑只有長沙能痛哭何

妨鑿齒有微詞驚人萬丈論光燄刻楮三年費苦思

書傭烏焉

甚多開雕遲滯怕聽高山流水曲伯牙此日弔鍾期

風塵鞅掌九經春重作長安乞米人顧影自憐如我拙言  
詩終覺與君親倚槐欲訪南柯夢彈鋏思垂獨繭綸地下  
難從問奇字元文空對倍傷神

徐爾正先生秋原尋弟圖爲鑪峯同年題

符浚宣

江陰縣志

卷五

藝文

詩

五

憶昔披此圖與君俱激昂迄今踰十載身歷摧肝腸賤子  
復何言展卷重傍徨微雲渺天末原草生虛涼仰君之先  
人至行奪彼蒼弟失能復得母瞽能生光不知關與山孤  
意搜遐荒菽水幸有託蓬轉無餓糧重繭歷東魯旋蟻迴  
南鄉羸者一書生脫躄偃路旁逢人哽吳語問答心刺銛  
晨征呼我弟露宿呼我孃四塞來悲風天近星煌煌胡然  
挾子季躡級登高堂號咷竟復笑遂志忘膏盲君真其子  
孫率意猶慈良相交在本性憐我神悵悵我亦有伯兄飢  
驅之四方我亦有老母偕仲慚相將伯也絕音耗賤子趨  
周行豈能尋吾兄亦以謀稍梁秦隴雪霏霏易水流湯湯

七年斷兄書千里奔母喪嘔血輒不死區區成永傷

題徐爾正先生秋原尋弟圖

路元晉

子爲虞母爲泣石關銜碑淚成血淚成血眼失明大兒慊  
慨出門行十餘載兄弟歸來時序改上堂拜阿母問客從  
何來答云兩兒至一笑雙瞳開大兒具雞豚次兒羅酒漿  
骨肉重歡會仰視天蒼蒼君山何峩峩江水何湯湯山上  
有貞石江岸生古篁我思鑿石伐竹書其事嗟哉徐君長  
逝矣千秋孝友誰能紀

春暮

祝百十

春光偏與病相磨佳節清明轉眼過畫裏鶯聲高岸柳鏡

江陰縣志

卷五

藝文

詩

李

中花色小橋荷詩如亂夢何曾好酒似良朋未許多惆悵  
西園舊遊興幾時重聽豔陽歌

午日

傾盡蒲觴只濁醪倦來臨眺海門遙春申遺蹟徒然在屈  
子忠魂不可招山色蒼黃悲故里水聲嗚咽怨前朝關心  
幾點英雄淚灑向長流作暮潮

丙午秋懷

蘆荻蕭蕭古渡頭千帆遙共水東流獨畱江上看明月欲  
嚮天涯問舊遊今日豈無牛渚客百年誰上庾公樓平生  
意氣干霄斗一夜西風鬢影秋

奉懷家二泉叔卽步贈行原韻

祝百五

貧賤難爲別飢寒不自任人誰憐范叔讓畏及曾參北阮  
琴樽遠東山花木深夕陽淮水急嗚咽動歸心

清明後一日作

野馬飛揚疾似梭青氈生業竟如何交情易向貧中見佳  
節何堪客裏過取醉算無裘可典遣愁端賴鳥能歌遙憐  
寂寞深閨夜獨對寒燈斂翠蛾

貧居遣興奉長兄篠珊

庭滿荒苔徑滿塵貧來蹤跡更誰親囊垂短盡英雄氣夢  
斷空驚富貴身拚典琴書償酒債擬將香火祭錢神憑君

江陰縣志

卷三

藝文 詩

全

莫漫憂生計篋有新詩未是貧

書壯烈伯李忠毅公

長庚

小傳後

金

諤

大將報國捐軀亦何恨

聖主酬庸而士卒咸奮君不見忠毅公聲名天下震

一解

公泉州人寄籍臺灣幼負奇氣自命非凡入塾弄筆大書

天生我才必有用果然一生得此七字橫胸間

二解

漲海

奔騰通絕域嗟爾蠛蠓敢爲鬼爲蜮

天子命公統領之職公拜稽首誓殺此賊

三解

堂堂出令

旣嚴且明旗分五色壁壘一新

四解

旣統水師更善火攻

火藥火薪載以艨艟連環船子母船不若此船完固所向

無前五解 焚賊巢斃賊黨中有貨物首功者給賞軍民歡

如雷賊不就戮何待哉六解 賊計窮走山東將軍追之疾

如風賊叩顙入兩廣將軍迫之密如網七解 朔風烈烈黑

洋水飛沫驚濤澎湃起挺身殺賊不怕死不擒巨憝勢不

止賊船圍在我船裏公復乘船攝其尾大呼縛賊直指顧

閒耳八解 樸面一礮衝雲霄大星下墮天門高將軍死矣

兵號咷一手尚執盾一手尚持刀瞪目直視凜然生氣臨

洪濤賊乃迴望魂銷膽喪九解 總制奏

九天

重瞳屢顧心哀憐憐其毅哀其忠不惜破格恩恤爾丹衷

江陰縣志 卷三 藝文 詩

十解 顯爵封授

誥命輝煌專祠祭祀俎豆馨香將弁兵丁感涕不遑十一

解 危坐讀公傳慷慨無悲酸將相成功一時易君臣遇合

千秋難十二解 小醜雖免脫大戮必鯨封英魂來往怒潮

起時作金戈鐵馬聲洶洶十三解

感事

蹂躪邊陲恃地偏稽誅忽撼楚吳天舳艫已報橫江截烽

火還驚累月連轉餉八州勞走檄籌兵萬里待開弦東南

財賦由來重誰使萑苻遽蔓延

莽莽三塘我郡鄰驚心怕問劫餘塵豈無忠勇能酬

國多有依違反累身百雉尙堅先棄甲萬羊雖富已傾困  
食毛踐土生成久多少蒼黎望轉鈞

過桃花港

許容

水濱紅映一重重笑倚風前夾岸逢爲語漁人宜早出清  
時莫蹈避秦蹤

謁繆文貞公祠

方瀾

乾清門頭委鬼坐坤甯宮內茄花墮大事去矣婦寺紛南  
牙北牙如水火卓哉東林諸君子丹心報國期一死文貞  
挺出尤人豪首疏奸罪二十四先生年少負盛名隆萬制  
義稱清真疏入宮坊削籍去克徒盛怒猶難平熹宗天啓

江陰縣志

卷二 藝文 詩

三

之六年此時奄勢薰成天緹騎逮公慷慨去醪錢泣送人  
幾千錦衣典獄本不類況遇爾畊雲鶴輩淫刑但求腐鼠  
歡不顧人亡邦國瘁悲莫悲兮三木囊痛莫痛兮十指落  
誰歟偕之有李公五毒備嘗喪詔獄英魂毅魄死而厲天  
漢忽然含白氣今生恨未除大奸誓殺此賊訴先帝吁嗟  
乎君不見政府門焚香煮茗綸扉尊又不見黃堂上總憲  
終日煨蹄豚不有鬚眉男子如公等明社恐難延甲申莊  
烈繼統誅宦寺先生慘死加美謚衣冠濟濟拜鬢宮碧血  
斑斑映青史瀾來拜公祠春風叫子規滿腔忠赤筆難達  
讀者聊當墮淚碑

讀澄江詩選

程珍

洪濤日湧海門秋勝國歌謠斷簡畱誰主芙蓉新月旦分  
編山水舊風流百年同調憐焦尾終古餘音憶掉頭不少  
金閨女博士三唐遺稿尙堪搜

君山望江放歌

祝陞芸

岷山東流萬萬古雷奔電激馮夷舞小小江城砥柱之一  
山敢爾當喉阻江抱江城流山作江城主江神山神各騁  
妍一一招人腰腳努我家芙蓉江之邊青霞慣控鵝眉巔  
手執仙人飛仙鞭目縱江南南岸天天風過處琉璃明雨  
歇巫門波不驚松風之亭來水月瞰江之樓吞滄溟但惜

江陰縣志

卷天

藝文

詩

畚

三千珠履去矣不我迎空餘十二銀山朝復暮長驅赤蚪  
鏗華鯨東眺海虞西瞻揚子眼底金焦培塿爾山爲樽江  
作酒胸中礪磈消乎否壯哉汪洋此大觀一拳石障千波  
瀾我欲因之探海關乘槎萬里長風搏不然乞我荆關手  
排山倒海蛟螭走上訢眞宰天叫呼畫作江城潮汐圖

擬杜少陵諸將五首

王莖

誰令炎徼盜如毛養寇經年轉戰勞穴有狐鳴篝火聚城  
逢豕突摸金逃參軍帳外空磨盾大將鞞中失置刀好切  
同仇伸士氣古來兵略寓投醪

粵瘴綿延接楚氛移兵逐賊莫辭勤一呼躍入公孫馬八



日飛來少保軍

時聞徐少保兵已至湘潭

固以擒渠為上策即能散脅

亦奇勳野人頗洒憂時淚悵望南天沅陣雲

烽煙漠漠洞庭津消息傳來劇駭人豈有普天皆赤子俄

然滿地盡黃巾將須謀畧師孫武官要循良借寇恂願剪

鯨鯢籌善後早催名姓上麒麟

蔓延四省善奔跳遇寇人家一炬焦賣劍或無龔渤海掛

弓卻望霍驃姚橫衝不動軍方肅小勝非功將莫驕

聖主恩深應矢報疆臣何限珥豐貂

傳聞上將殄渠魁

聞逆首洪秀泉已就擒

一路歡聲忭若雷局轉已

操全勝局灰銷莫甦復然灰兼施勦撫資疆寄互示恩威

江陰縣志

卷五

藝文詩

奎

仗吏才借使黔愚齊革面須知

湯網本宏開

中市橋觀新柳

仰振瀛

澹日輕陰禁火前拂隄千桁綠如煙春風不管詩人老依

舊長條似去年

貞女吟

繆重熙

敬惜松操自昔年褒忠錄孝有貽編彭城家世多奇節懿

範于今尚肅然

閣啟松筠列畫屏女孫入見歎凋零松貞筠勁寒能耐歷

盡寒霜不變青

己酉夏五自浙北還乞假回里省墓寄故鄉諸友

季芝昌

重隔家山又七年  
瞻言宰樹每心懸  
分無晝錦還鄉樂  
恩許星槎問道便  
出世誰知雲戀岫  
憂時怕聽雨如泉  
時苦  
多故人攜手應相慰  
我但臣勞豈日賢

述感

燒鉛猶在藥鑪前  
安得輕身厠列仙  
夜夢虛拋三度月  
風災難免四禪天  
懸車未屆先辭祿  
擐甲無能合讓賢  
祇惜五年琴水漲  
不曾一泛七條絃

先皇卅載勵憂勤

江陰縣志

卷五

藝文

詩

五

成錄昭垂卽典墳  
昨歲尊藏成信史  
羣寮編纂策微勳  
朝廷明日歸公道  
臣子攀髯慟昔聞  
回首親依樞禁日  
衰殘百感淚紛紜

肚皮那肯合時宜  
烏石山邊兩鬢絲  
欲使封疆尊漢節  
敢方樽俎卻萊夷  
經冬蒼翠依榕樹  
過夏鮮新飽荔枝  
慚愧九重資整頓  
至今未有答

恩期

自笑平生入世迂  
立朝心共片雲孤  
韓宣人信能辭玉  
唐介天知不買珠  
當路公卿竿牘少  
歸田賓客竹絲無  
殘年雖病庸非幸  
已過歐陽與大蘇

蒲城相業繼韓城尸諫當時隱大名要奠金甌先禦侮卽  
提玉尺亦持平三番奏賦懸明鏡一夕畱賓酌巨觥如此  
文章知己感可憐籍不隸門生  
去年蝗旱饑饉臻聞道緇泥可食貧虎旅身家須飽粟魚  
蠻租稅恐編輪閔居抵掌誠無術獨坐怡心賴是春窗外  
幾叢花舊種不須十戶賦中人

清明時節戀松楸輿疾難登百里舟誓墓何心辭剡水還  
山無地築菟裘身親拜掃愁將闕足到槃珊笑未休君阜  
東頭峯席帽終當歸侍九京游

石階五級聳三門漫說祠堂制度尊薄宦陶潛荒徑易故  
江陰縣志  
卷六 藝文 詩  
鄉庾信小園存頻年觀望緣烽燧長日經營付子孫莫怪  
清貧無厚殖眼前絲粟盡  
君恩

石虎歌

李申者山長置輩  
學齋前假山也

沈鍾

山童曉起呼看山何來乳虎蹲林闕那知數拳磊落置一  
笑始憐石不頑我聞獅林擅名勝坐卧行立皆奇顏又聞  
古邱傳虎阜金精上騰成仙寰怪質從來幻如許石燕石  
鯨尤非慳繫此雄風轉突兀指顧當窗半畝間蘚叢苔卧  
生意出皮相亦作文爛斑有時風雨晦冥候瓜牙拏攫聲  
潺潺片石其語古人志況乎負戴呈般般呼丈不誤米顛

拜點頭好俟生公還君不見北平山下猙獍峙故李將軍  
弓再彎

江陰縣志卷之二十八終

江陰縣志

卷二十八

藝文

詩

突

